

Fabri, Felix: Evagatorium in Terrae Sanctae, ..., ed. v. C.D. Hassler, Bd. 2, 1843,
enthaltend fol. 183A–291B von Bd. 1 des Autographs (19 555-1) und fol. 2a–74a von
Bd. 2 des Autographs (19 555-2)

zu Bild Nr.

0788

0786

0792

0782

0797

0777

0837

0737

0887

0687

0287

Ende

Anfang

215

effectus, Helena mater ejus cruce inventa et idolis ejec-
tis super loca sancta templum construxit, et conditio Chri-
stianorum meliorata est, Judaeorum vero pejor in dies effecta,
et ita cum pace magna Christiani in Jerusalem Deo servierunt
LV annis. Porro anno Domini CCCLXIII adeptus est im-
perium turbator pacis fidelium Julianus apostata a fide et
a religionis professione. Qui audiens, quod esset in Jerusalem
ecclesia solennis et conventus maximus Christianorum, venit
illac et arripuit occasionem saeviendi in Christianos et appre-
hensum sanctum Cyriacum, urbis Hierosolymitanae episcopum,
qui crucis sanctae inventor fuerat, eum crucifixit pro eo,
quia crucis gloriam praedicavit. Hoc Judaei audientes cum
tripudio et gaudio convenerunt et muneribus multis Caesaris
favorem acquisiverunt et Christianos apud eum magis odiosos
fecerunt. Excogitato autem modo, quo Christianos turbaret,
Judaeos exaltare decrevit et convocatis ad se primis et optimis
Judaeorum interrogavit, cur non sacrificarent Deo suo,
cum tamen eis lex sua de sacrificiis imperet? At illi occasio-
nem se invenisse temporis rati, non possumus, inquiunt, nisi
in solo Jerosolymorum templo sacrificare secundum legem,
cum autem iam templum non habemus in Jerusalem, sacrificare
non possumus, nec hic, nec alibi. Rogamus igitur tuam clem-
entiam, nobis indulgeri, ut templum aedificemus suo loco,
et sacrificabimus pro tua et imperii salute. Accepta ergo re-
cuperandi templum licentia in tantam dementiam Judaei vene-
runt, ut Julianum apostamatam sceleratissimum prophetam esse
in lege eis promissum ubique divulgarent. Igitur ex omnibus
locis et provinciis convenere Iudaei, locumque templi olim
igne consumuti aggredi coeperunt, comite operis exsequendi
ab imperatore concesso, sumtu publico et privato administrato,
et res omni instantia gerebatur. Interea Judaei insultare
nostris coeperunt et velut reparatis sibi regni temporibus
communari acrius ac saevitiam ostentare, prorsus in magno
tumore ac superbia egere.

Praeerat autem tunc ecclesiae Hierosolymitanae Cyrillus
episcopus, vir sanctus. Apertis igitur fundamentis lapides
grandes, calces, caementa, ligna sunt adhibita, nihilque om-
nino deerat, quia postero die veteribus deturbatis nova jacerent

